

Bosna i Hercegovina
Federacija Bosne i Hercegovine
Tuzlanski kanton
Općina Teočak
Općinski načelnik
Broj: 02-11-841-11/21
Teočak, 23.07.2021. godine

Na osnovu člana 64. stav (1) tačka b) i člana 70. Zakona o javnim nabavkama („Službeni glasnik BiH“ broj: 39/14) i člana 43. Statuta općine Teočak („Službeni bilten općine Teočak“ broj: 5/08 i 2/12), a na preporuku Komisije za javne nabavke Općinski načelnik d o n o s i:

ODLUKU

o rezultatima okončanog postupka javne nabavke i izboru najpovoljnijeg ponuđača

Član 1.

Prihvata se preporuka Komisije za javne nabavke broj: 02-11-841-10/21 od 23.07.2021. godine, Ugovor za nabavku i ugradnju krova od lima na objektu sportske dvorane u općini Teočak se dodjeljuje ponuđaču: „Elektrocentar Petek“ doo Tuzla po ponudi broj: UP0723-21-JN od 13.07.2021. godine za ponuđenu cijenu od **49.480,00 KM** bez PDV-a kao drugorangiranom ponuđaču nakon održane e-aukcije.

Član 2.

Prijedlog Ugovora dostavit će se na potpis izabranom ponuđaču: „Elektrocentar Petek“ doo Tuzla sa sjedištem u ulici Tomislava Ramljaka 54, 75000 Tuzla.

Član 3.

Izabrani ponuđač je obavezan u roku od 7 dana od dana prijema ove Odluke dostaviti dokaze o činjenicama navedenim u Izjavama koje su dostavljene u ponudi broj: UP0723-21-JN, kao i korigovani Obrazac za cijenu ponude po novoj cijeni ponuđenoj putem e-aukcije.

Član 4.

Za izvršenje ove odluke zadužuje se Služba za privredu, finansije, prostorno uređenje i civilnu zaštitu općine Teočak.

Član 5.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke shodno članu 71. stav (2) Zakona o javnim nabavkama.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: 02-11-841-1/21 dana 21.05.2021. godine. Javna nabavka je provedena putem konkurentskog zahtjeva za dostavu ponuda, broj obavještenja sa portala javnih nabavki: 98-7-3-23-3-9/21. Procjenjena vrijednost javne nabavke bez PDV-a je 50.000,00 KM.

Komisija za javnu nabavku dostavila je Ugovornom organu kopiju Zapisnika o otvaranju ponuda broj: 02-11-841-7/21 dana 15.07.2021. godine, Zapisnik o pregledu i ocjeni ponuda broj: 02-11-841-8/21 završenog dana 19.07.2021. godine, Preporuku za izbor najpovoljnijeg ponuđača broj: 02-11-841-9/21 dana 19.07.2021. godine koja je stavljena van snage i Preporuku za izbor najpovoljnijeg ponuđača broj: 02-11-841-10/21 u postupku javne nabavke: Nabavka i ugradnja krova od lima na objektu sportske dvorane u općini Teočak.

U postupku utvrđeno je da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- ukupan broj pristiglih ponuda je 4 (četiri) i to ponude od „Tehnopetrol“ doo Tuzla, „Kristal“ doo Živinice, „Elektrocentar Petek“ doo Tuzla i „Papilon“ doo Čelić
- ukupan broj blagovremeno zaprimljenih ponuda je 4 (četiri) i to ponude od „Tehnopetrol“ doo Tuzla, „Kristal“ doo Živinice, „Elektrocentar Petek“ doo Tuzla i „Papilon“ doo Čelić

Kriterij za ocjenu ponuda je najniža cijena.

Tehnički, pravno i ekonomski gledano ponude od „Tehnopetrol“ doo Tuzla, „Elektrocentar Petek“ doo Tuzla i „Papilon“ doo Čelić su **prihvatljive** jer ispunjavaju sve uslove tražene tenderskom dokumentacijom.

Ponuda od ponuđača „Kristal“ doo Živinice **nije prihvatljiva** jer ponuđač nije dostavio uzorak lima/krova koji je tražen tenderskom dokumentacijom.

Za ponuđače čije su ponude prihvatljive je dana 19.07.2021. godine organizovana e-aukcija sa početkom u 09:00 h, i nakon nadmetanja najpovoljniju ponudu je dao ponuđač „Papilon“ doo Čelić i to: 49.430,13 KM bez PDV-a, odnosno 57.833,25 KM s obračunatim PDV-om, drugorangirana ponuda je bila ponuda od ponuđača „Elektrocentar Petek“ doo Tuzla sa ponuđenom cijenom od 49.780,00 KM bez PDV-a, odnosno 57.891,60 KM s obračunatim PDV-om. Trećerangirana ponuda je od ponuđača „Tehnopetrol“ doo Tuzla koji svoju ponudu nije mijenjao putem e-aukcije i iznosi 59.491,00 KM bez PDV-a, ukupna cijena sa PDV-om je 69.604,47 KM.

Komisija je dala preporuku Općinskom načelniku da prihvati ponudu drugorangiranog ponuđača „Elektrocentar Petek“ doo Tuzla, jer je najpovoljniji ponuđač nakon održane e-aukcije: „Papilon“ doo nakon zaprimanja Zapisnika o pregledu i ocjeni ponuda obavijestio Komisiju za javne nabavke dopisom broj: 01/21 od 22.07.2021. godine da odustaje od svoje

ponude broj: 62/21 od 13.07.2021. godine. U dopisu ponuđač „Papilon“ doo navodi odustaje od svoje ponude iz razloga poštivanja rokova za ranije preuzete projekte.

Ponuda od drugorangiranog ponuđača „Elektrocentar Petek“ doo je ispod procijenjene vrijednosti po ovom postupku javne nabavke i zadovoljava sve uslove predviđene tenderskom dokumentacijom.

U postupku donošenja ove Odluke, posebno su cijenjene činjenice da je Komisija pravilno i potpuno izvršila ocjenu kvalificiranosti ponuđača te ocjenu prispjelih ponuda, shodno kriterijima iz tenderske dokumentacije.

U postupku ocjene provedenog postupka, ugovorni organ općina Teočak – Općinski načelnik nije našao razloge nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Pouka o pravnom lijeku

Protiv ove odluke može se izjaviti žalba najkasnije u roku od 5 (pet) dana od dana prijema ove Odluke.

Dostavljeno:

- svim ponuđačima
- a/a



Općinski načelnik

Tajib Muminović